

სს „საქართველოს სახელმწიფო ელექტროსისტემის“ კუთვნილი ხელსაწყოების
დაზღვევის მომსახურების ელექტრონული ტენდერის (№ SPA160009611) საშუალებით
შესყიდვის მიზნით მუდმივმოქმედი სატენდერო კომისიის სხდომის

ოქმი №2

თარიღი 1. 04. /6

სხდომას ესწრებოდნენ:

1. კომისიის თავმჯდომარის მოვალეობის შემსრულებელი-გიორგი შარკოვი
2. კომისიის თავმჯდომარის მოადგილე — მამუკა სხილაძე
3. კომისიის წევრი— დავით გოლოშვილი
4. კომისიის წევრი—გიორგი აბუთიძე
5. კომისიის წევრი— ლაშა შენგელია

აპარატის წევრები:

1. მანანა ამაღლობელი
2. მაია ხაბეიშვილი
3. ლევან ნაჭყებია

კონსულტანტები:

1. ბესიკ ნაცვლიშვილი

დღის წესრიგი:

1. სს „საქართველოს სახელმწიფო ელექტროსისტემის“ კუთვნილი ხელსაწყოების
დაზღვევის მომსახურების შესყიდვაზე (ტენდერის # SPA160009611) სატენდერო
დოკუმენტაციაში ტექნიკური პირობის ცვლილების შეტანის თაობაზე.

განხილვა:

1.ერთერთი პრეტენდენტის მიერ სახელმწიფო შესყიდვების ერთიან ელექტრონულ
სისტემის მეშვეობით დასმულ იქნა შეკითხვა „გთხოვთ დაგვიკონკრეტოთ მოცემულ
ტენდერზე ფრანშიზის ოდენობა“, „სატენდერო დოკუმენტაციის ტექნიკური პირობების 2.5
პუნქტის თანახმად, დაზღვევას ექვემდებარება: „მანქანა-დანადგარების ექსპლუატაციის
დროს მათზე განთავსებული აგრეგატების დაზიანება“. გთხოვთ დაგვიდასტუროთ რომ,
აღნიშნულ ჩანაწერში იგულისხმება აგრეგატის გარეგანი ზემოქმედებით მიყენებული
დაზიანება“ და „გთხოვთ დაგვიზუსტოთ სად განხორციელდება დასაზღვევი ობიექტის
შეკეთება მისი დაზიანების შემთხვევაში“.

2.სატენდერო კომისიამ კონსულტანტებთან ერთად განიხილა აღნიშნული შეკითხვა .

3. სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9
ბრძანებით დამტკიცებული „გამარტივებული ელექტრონული ტენდერის და

ელექტრონული ტენდერის ჩატარების წესის დამტკიცების შესახებ“ დებულების მე-9 მუხლის მე-2 პუნქტის თანახმად, ასევე ამავე დებულების მე-2 მუხლის პირველი პუნქტის „კ“ ქვეპუნქტით გათვალისწინებულ ეტაპზე, სატენდერო დოკუმენტაციაში ცვლილების შეტანა შესაძლებელია სისტემაში ატვირთული დოკუმენტაციის გაუქმებით და შეცვლილი დოკუმენტაციის სისტემაში ატვირთვის გზით – მხოლოდ „ტენდერი გამოცხადებულია“ – სტატუსის მინიჭებისას, რომელიც მოიცავს სატენდერო განცხადების სისტემაში განთავსებიდან სატენდერო წინადადებების მიღების დაწყებამდე ტენდერის მიმდინარეობის ეტაპზე. იმის გათვალისწინებით, რომ ტენდერი გამოცხადდა 24.03.2016 და სატენდერო წინადადებების მიღება იწყება 13.04.2016, სატენდერო კომისიამ იმსჯელა და დასაშვებად მიიჩნია მიმდინარე ტენდერში სატენდერო დოკუმენტაციის ტექნიკურ პირობაში შესაბამისი ცვლილების შეტანა.“

სატენდერო კომისიამ დაადგინა:

1.სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ დებულების მე-9 მუხლის მე-2 პუნქტის საფუძველზე დაევალოს სატენდერო კომისიის აპარატს მიმდინარე ტენდერში (ტენდერის №SPA160007806) მოახდინოს სატენდერო დოკუმენტაციის 3.1 პუნქტის ტექნიკურ პირობაში 2.4 და 2.5 პუნქტები ჩამოყალიბდეს ქვემოთ მოცემული რედაქციით და დაემატოს 2.7. და 2.8 პუნქტები ცვლილების შეტანა შემდეგი რედაქციით, კერძოდ:

2.4. გარეგანი ზემოქმედების შედეგად მიყენებული დაზიანებისას: მესამე პირთა ბოროტგანზრახული ქმედება, ვანდალიზმი, საგნების ვარდნა;

2.5. მანქანა-დანადგარების ექსპლუატაციის დროს მათზე განთავსებული აგრეგატების გარეგანი ზემოქმედების შედეგად მიყენებული დაზიანებისას და აგრეგატების დაზიანება.

2.7. ფრანშიზა:

2.7.1. არაუმეტეს სადაზღვევო თანხის 1%-სა - ნაწილობრივი დაზიანების შემთხვევაში,

2.7.2. არაუმეტეს სადაზღვევო თანხის 5%-სა - სრული დაზიანების შემთხვევაში;

2.8 დასაზღვევი ობიექტის შეკეთება მისი დაზიანების შემთხვევაში უნდა განხორციელდეს ქარხანა დამამზადებლის ან მის მიერ ავტორიზებულ სერვის-ცენტრებში.

2.დაევალოს სატენდერო კომისიის აპარატს უზრუნველყოს კორექტირებული სატენდერო დოკუმენტაციის დაუყონებლივ ატვირთვა კერძოდ: გაუქმდეს უკვე არსებული სახელმწიფო შესყიდვების ელექტრონულ სისტემაში განთავსებული სატენდერო დოკუმენტაცია და განახორციელოს სს „საქართველოს სახელმწიფო ელექტროსისტემის“ ფუნდამენტების, საკაბელო არხების, ძელაკების და გადახურვის ფილების გადაზიდვის მომსახურების შესყიდვაზე კორექტირებული სატენდერო დოკუმენტაციის ატვირთვა შემდეგი რედაქციით:

სარჩევი:

1. სატენდერო დოკუმენტაცია	4
2. სს „საქართველოს სახელმწიფო ელექტროსისტემის“ კუთვნილი ხელსაწყოების დაზღვევის მომსახურების შესყიდვა ელექტრონული ტენდერის საშუალებით.....	4
3. 1. საკვალიფიკაციო მოთხოვნები:	4
2. მომსახურების შესრულების ვადა	5
3.სს „საქართველოს სახელმწიფო ელექტროსისტემის“ კუთვნილი ხელსაწყოების დაზღვევის მომსახურების განსახორციელებლად ტექნიკური პირობა და ტექნიკური მოთხოვნა:.....	5
3.1 სს „საქართველოს სახელმწიფო ელექტროსისტემის“ კუთვნილი ხელსაწყოების დაზღვევის მომსახურების განსახორციელებლად ტექნიკური პირობა:	5
4. შენიშვნა :.....	6
4 .ხელშეკრულების პროექტი მომსახურების შესყიდვის შესახებ #	7
5. დანართი №1, ფასების ცხრილი	12
6.სატენდერო დოკუმენტაციის შესახებ დამატებითი ინფორმაციები:.....	13
7.საკონტაქტო ინფორმაცია	13

სატენდერო დოკუმენტაცია

სს „საქართველოს სახელმწიფო ელექტროსისტემის“ კუთვნილი ხელსაწყოების
დაზღვევის მომსახურების შესყიდვა ელექტრონული ტენდერის საშუალებით.

1. საკვალიფიკაციო მოთხოვნები:

1.1 საკვალიფიკაციო მოთხოვნების თანახმად, პრეტენდენტმა უნდა წარმოადგინოს
შემდეგი დოკუმენტები:

1.1.1 კერძო სამართლის იურიდიული პირისათვის და ინდ. მეწარმეებისათვის:

- ა) ამონაწერი მეწარმეთა და არასამეწარმეო (არაკომერციულ) იურიდიულ პირთა
რეესტრიდან;
- ბ) ცნობა საჯარო-სამართლებლივი შეზღუდვის არსებობის შესახებ (საჯარო
რეესტრის ეროვნული სააგენტოდან);

1.1.2 საჯარო სამართლის იურიდიული პირისათვის:

- ა) ცნობა საჯარო-სამართლებლივი შეზღუდვის არსებობის შესახებ (საჯარო
რეესტრის ეროვნული სააგენტოდან);

1.1.3 ფიზიკური პირებისათვის:

- ა) ცნობა საჯარო-სამართლებლივი შეზღუდვის არსებობის შესახებ (საჯარო
რეესტრის ეროვნული სააგენტოდან).

1.2 სატენდერო დოკუმენტაციის 1.1 ქვეპუნქტით განსაზღვრული ადმინისტრაციული
ორგანოებიდან წარმოსადგენი საკვალიფიკაციო მონაცემების დამადასტურებელი
დოკუმენტების გაცემის თარიღი არ უნდა უსწრებდეს ელექტრონული ტენდერის
წინადადებების მიღების დაწყების თარიღს;

1.3 ამ პუნქტის 1.2 ქვეპუნქტით გათვალისწინებული, ადმინისტრაციული ორგანოებიდან
წარმოსადგენი საკვალიფიკაციო მონაცემების დამადასტურებელი დოკუმენტები
წარმოდგენილი უნდა იქნეს „შემსყიდველ“ ორგანიზაციაში მოთხოვნიდან არა უმეტეს 5
(ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ
თავიანთი ქვეყნის შესაბამისი უფლებამოსილი ორგანოების მიერ გაცემული
საკვალიფიკაციო მონაცემების დამადასტურებელი დოკუმენტები, რომლებსაც თან უნდა
დაერთოს ნოტარიულად დამოწმებული თარგმანი ქართულ ენაზე. არარეზიდენტმა
პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი
ორგანოების მიერ წინადადების მიღების დაწყების თარიღამდე არაუგვიანეს 30 დღის
ვადაში გაცემული საკვალიფიკაციო მონაცემების დამადასტურებელი დოკუმენტები.

1.4 პრეტენდენტის მიერ ადმინისტრაციული ორგანოებიდან წარმოსადგენი
საკვალიფიკაციო მონაცემების დამადასტურებელი დოკუმენტების (ასლების) წარმოდგენა
„შემსყიდველ“ ორგანიზაციაში ხორციელდება სისტემის მეშვეობით, „შემსყიდველ“
ორგანიზაციას უფლება აქვს მოსთხოვოს „პრეტენდენტს“ საკვალიფიკაციო მონაცემების
დამადასტურებელი დოკუმენტების საქართველოს კანონმდებლობით დადგენილის
ფორმით წარმოდგენა ხელშეკრულების ხელმოწერის მომენტისათვის.

შენიშვნა: პრეტენდენტს არ უნდა გააჩნდეს ქონებაზე საჯარო-სამართლებრივი შეზღუდვა.

2. მომსახურების შესრულების ვადა.

2.1 მომსახურების გაწევის ვადაა (ხელსაწყოების დაზღვევის მომსახურების შესყიდვა) – ხელშეკრულების გაფორმებიდან 2 წლის ვადით

3.სს „საქართველოს სახელმწიფო ელექტროსისტემის“ კუთვნილი ხელსაწყოების დაზღვევის მომსახურების განსახორციელებლად ტექნიკური პირობა და ტექნიკური მოთხოვნა:

3.1 სს „საქართველოს სახელმწიფო ელექტროსისტემის“ კუთვნილი ხელსაწყოების დაზღვევის მომსახურების განსახორციელებლად ტექნიკური პირობა:

№	ხელსაწყო დასახელება	განზომილების ერთეული	საიდენტიფიკაციო კოდი ან საქარხნო №	რაოდენობა	ნარჩენი საბალანსო ღირებულება (ლარი) 25.02.2016წ.	სრულ დაზიანებაზე (განადგურებაზე) და ქურდობაზე ასანაზღაურებელი თანხა (ლარი)
1	ჰიდრავლიკური დამჭიმი Tescmec ARS606 ALL071; 140 KN	ცალი	104652	1	224,999.36	224,999.36
2	ჰიდრავლიკური დამამუხრუჭებელი Tescmec FRS615 ALL071; 140 KN	ცალი	104653	1	246,708.12	246,708.12
3	ჰიდრავლიკური დამჭიმი Tescmec ARS510 სერიული#07787; 70 KN	ცალი	107289	1	146,562.53	146,562.53
4	ჰიდრავლიკური დამამუხრუჭებელი Tescmec FRS404 სერიული#07788; 40 KN	ცალი	107290	1	145,082.64	145,082.64

სს „საქართველოს სახელმწიფო ელექტროსისტემის“ კუთვნილი ხელსაწყოების დაზღვევა უნდა განხორციელდეს ხელშეკრულების გაფორმებიდან 24 (ოცდაოთხი) თვის განმავლობაში, სადღეღამისო 24 საათიანი გრაფიკით.

2. მზღვეველმა სადაზღვევო თანხა უნდა აანაზღაუროს სადაზღვევო შემთხვევის დადგომიდან (დარეგულირების აქტზე ხელმოწერიდან) არაუგვიანეს 1 (ერთი) თვის განმავლობაში, ქვემოთ ჩამოთვლილ შემთხვევებში და პირობებით:
- 2.1. გატაცება (ქურდობა, ძარცვა-ყაჩაღობა, ბოროტ-განზრახული ქმედება);
- 2.2. ავტო-საგზაო შემთხვევა მანქანა-დანადგარების გადაადგილება-ტრანსპორტირებისას;
- 2.3. ხანძრის, მიწისძვრის, წყალდიდობის, სეტყვის, ქარიშხალი - გრიგალის (სტიქიური მოვლენები), აფეთქების და სხვა მსგავსი შემთხვევებისას;
- 2.4. გარეგანი ზემოქმედების შედეგად მიყენებული დაზიანებისას: მესამე პირთა ბოროტგანზრახული ქმედება, ვანდალიზმი, საგნების ვარდნა;
- 2.5. მანქანა-დანადგარების ექსპლუატაციის დროს მათზე განთავსებული აგრეგატების გარეგანი ზემოქმედების შედეგად მიყენებული დაზიანებისას და აგრეგატების დაზიანება.
- 2.7. ფრანჩიზა:
- 2.7.1. არაუმეტეს სადაზღვევო თანხის 1%-სა - ნაწილობრივი დაზიანების შემთხვევაში,
- 2.7.2. არაუმეტეს სადაზღვევო თანხის 5%-სა - სრული დაზიანების შემთხვევაში;

2.8 დასაზღვევი ობიექტის შეკეთება მისი დაზიანების შემთხვევაში უნდა განხორციელდეს ქარხანა დამამზადებლის ან მის მიერ ავტორიზებულ სერვის-ცენტრებში.

შენიშვნა :

აუცილებელი მოთხოვნა: სადაზღვევო პრემიის ოდენობის განმსაზღვრელი პროცენტული მაჩვენებელი უცვლელი უნდა იყოს (ხელშეკრულების გაფორმებიდან 2 წლის ვადით) ხელშეკრულებით განსაზღვრული პერიოდისათვის. ამასთან, მეორე წლისათვის დაზღვეული ხელსაწყოების სადაზღვევო პრემიის თანხობრივი ოდენობა განისაზღვრება ხელსაწყოების ყოველი წლის ბოლოს გადაფასებული ნარჩენი საბალანსო ღირებულებების შესაბამისად. რაზედაც გაფორმდება შესაბამისი დამატებითი შეთანხმება.

3.2 პრეტენდენტმა უნდა წარმოადგინოს დაზღვევის ლიცენზიის ასლი, რომელიც გაცემულია საქართველოს დაზღვევის სახელმწიფო ზედამხედველობის სამსახურის მიერ.

4. ხელშეკრულების პროექტი მომსახურების შესყიდვის შესახებ

ქ. თბილისი

201- წ. _____

I. მხარეები

1.1 წინამდებარე ხელშეკრულება დადებულია 201- წლის _____, ერთის მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი _____ სახით და მეორეს მხრივ _____ (შემდგომში „მიმწოდებელი“), წარმოდგენილი _____ სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ იღებს ვალდებულებას გაუწიოს „შემსყიდველს“ მომსახურება (CPV კოდი: 6651000) დანართი №1-ის (ხარჯთარიცხვა და ტექნიკური პირობა) შესაბამისად.

2.2. დანართი №1 წარმოადგენს წინამდებარე ხელშეკრულების განუყოფელ ნაწილს.

III. მომსახურების ღირებულება და ანგარიშსწორების პირობები

3.1 ხელშეკრულების საერთო თანხა შეადგენს _____ (–) ლარს დღგ-ს გარეშე (შემდგომში – „ხელშეკრულების ღირებულება“).

3.2. ანგარიშსწორება განხორციელდება ყოველთვიურად, ფაქტობრივად გაწეულ მომსახურებაზე გაფორმებული მიღება-ჩაბარების აქტისა და შესაბამისი დოკუმენტაციის წარმოდგენიდან 10 (ათი) კალენდარული დღის ვადაში.

3.3. მომსახურების ღირებულების ანაზღაურება ხორციელდება უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „შემსყიდველი“ იღებს ვალდებულებას აუნაზღაუროს „მიმწოდებელს“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.

4.2. „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი მომსახურების მიმდინარეობის შესახებ.

4.3 „მიმწოდებელი“ ვალდებულია სსე-ის კუთვნილი დიაგნოსტიკური ხელსაწყოების დაზღვევა განახორციელოს წინამდებარე ხელშეკრულების დანართი #1-ის (ფასების ცხრილი და ტექნიკური პირობა) შესაბამისად.

4.4 „მიმწოდებელი“ ვალდებულია წერილობით აცნობოს „შემსყიდველს“ მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.5 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა „შემსყიდველსა“ და „მიმწოდებელს“ შორის ხორციელდება ამ კონტრაქტით განსაზღვრული პირობებით.

V. მომსახურების გაწევის ვადა

5.1 მომსახურების გაწევის ვადაა ხელშეკრულების გაფორმებიდან -----

VI. მხარეთა პასუხისმგებლობა

6.1 „მიმწოდებლის“ მიზეზით მომსახურების დაგვიანებით, არასრულად, ხარვეზით ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო შეუსრულებელი მომსახურების ღირებულების 0,1%-ის ოდენობით, ყოველ ვადა გადაცილებულ დღეზე, მომსახურების ჯეროვნად და სრულად გაწევამდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 „შემსყიდველის“ მიერ ხელშეკრულებით გათვალისწინებული ფაქტიურად შესრულებული მომსახურების ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.3 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.4 „შემსყიდველი“ უფლებამოსილია ფაქტიურად შესრულებული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.2 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

7.2 ხელშეკრულების შესრულების კონტროლს “შემსყიდველის” მხრიდან უზრუნველყოფს სს „საქართველოს სახელმწიფო ელექტროსისტემის“ -----

7.3 კონტროლი განხორციელდება გაწეული მომსახურების ხარისხისა და მიწოდების ვადების შესაბამისობით ხელშეკრულების პირობებთან.

VIII. შესყიდვის ობიექტის მიღება-ჩაბარების წესი

8.1 მომსახურების მიღება-ჩაბარების აქტი ფორმდება ყოველთვიურად, ყოველი კალენდარული თვის დასრულებისთანავე ფაქტიურად გაწეულ მომსახურებაზე.

8.2 “მიმწოდებლის” მიერ წინამდებარე ხელშეკრულების 7.2 ქვეპუნქტით განსაზღვრული პირი ამოწმებს გაწეული მომსახურების შესაბამისობას წინამდებარე ხელშეკრულების პირობებთან. ხარვეზების არ არსებობის შემთხვევაში ფორმდება მიღება-ჩაბარების აქტი ფაქტიურად გაწეულ მომსახურებაზე.

8.3 მომსახურების მიღების დროს აღმოჩენილი ხარვეზების (წუნდების) შემთხვევაში “შემსყიდველი” ვალდებულია ოპერატიულად, აცნობოს “მიმწოდებელს” სათანადო ხარვეზების შესახებ (წუნდების არსი).

8.4 ხარვეზების აღმოჩენის შემთხვევაში „მიმწოდებელი“ ვალდებულია – (-) სამუშაო დღის განმავლობაში თავისი ხარჯებით გამოასწოროს ხარვეზი.

IX. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს-მაჟორის არსებობის საკმარის დამადასტურებელ საბუთად მხარეები განიხილავენ შესაბამისი სავაჭრო – სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2. ხელშეკრულება შეიძლება ვადამდე მოიშალოს:

11.2.1. მხარეთა შეთანხმებით;

11.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.3 “შემსყიდველს” შეუძლია ხელშეკრულება ვადამდე შეწყვიტოს:

11.3.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.3.2. “მიმწოდებლის” გაკოტრების შემთხვევაში;

11.3.3. თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება, რაც „შემსყიდველის“ მხრიდან მის მიმართ ნდობის დაკარგვის საფუძველს იწვევს;

11.3.4. საქართველოს კანონმდებლობით გათვალისწინებულ სხვა შემთხვევებში.

11.4 ამ მუხლის 11.3 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად შესრულებული მომსახურების ღირებულება.

11.5 სახელმწიფოს შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა. ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIII. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIV. ხელშეკრულების მოქმედების ვადა

14.2. ხელშეკრულება ძალაში შედის მხარეთა მიერ ხელმოწერისთანავე.

14.2 ხელშეკრულების მოქმედების ვადა ამოწურულად ჩაითვლება 201- წლის —
ჩათვლით.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

XVI. მხარეთა რეკვიზიტები

“შემსყიდველი”:

“მიმწოდებელი”:

5. დანართი №1, ფასების ცხრილი

პრეტენდენტის მიერ უნდა შეიქმნოს ცხრილი მოცემული ხარჯთაღრიცხვის ფორმა სს „საქართველოს სახელმწიფო ელექტროსისტემების“ სსე-ის კუთვნილი დიაგნოსტიკური ხელსაწყოების დაზღვევის მომსახურების შესყიდვაზე. სატენდერო წინადადების ღირებულება წარმოდგენილი უნდა იყოს ლარში დღგ-ს გარეშე.

გასაწევი მომსახურების ფასების ცხრილი

პრეტენდენტის დასახელება _____

№	ხელსაწყო დასახელება	გაწ. ერთეული	საიდენტიფიკაციო კოდი ან საქარხნო №	რაოდ.	ნარჩენი საბალანსო ღირებულება (ლარი)	დაზღვევის წლიური პროცენტი (%)	სრულ დაზიანებაზე (განადგურებაზე) და ქურდობაზე ასანაზღაურებელი თანხა (ლარი)	ყოველთვიური (გადასახადი) სადაზღვევო პრემია (ლარი)	2 წლის სადაზღვევო პრემია (ლარი)
1	ჰიდრავლიკური დამჭიმი Tsmec ARS606 ALL071; 140 KN	ცალი	104652	1	224,999.36		224,999.36		
2	ჰიდრავლიკური დამამუხრუჭებელი Tsmec FRS615 ALL071; 140 KN	ცალი	104653	1	246,708.12		246,708.12		
3	ჰიდრავლიკური დამჭიმი Tsmec ARS510 სერიული#07787; 70 KN	ცალი	107289	1	146,562.53		146,562.53		
4	ჰიდრავლიკური დამამუხრუჭებელი Tsmec FRS404 სერიული#07788; 40 KN	ცალი	107290	1	145,082.64		145,082.64		
საერთო ღირებულება დღგ-ს გარეშე									

ბ.ა.

პრეტენდენტის ხელმოწერა -----

6.სატენდერო დოკუმენტაციის შესახებ დამატებითი ინფორმაციები:

- 6.1 აღნიშნულ ტენდერში შესაძლებელია მხოლოდ ერთი გამარჯვებულის გამოვლენა.
- 6.2 ელექტრონულ სისტემაში ატვირთული პრეტენდენტის წინადადება უნდა შეიცავდეს შემდეგ დოკუმენტებსა და ინფორმაციას:
- 6.2.1 შევსებული ფასების ცხრილი (დანართი №1).
- 6.2.2 თანხმობა სატენდერო დოკუმენტაციის მე-3 პუნქტის 3.1 ქვეპუნქტით განსაზღვრულ ტექნიკურ პირობაზე (არსებული ტექნიკური პირობების შეცვლა დაუშვებელია, თუ ამ ცვლილების შედეგად უარესდება პირობები, დაზღვეული ორგანიზაციისათვის).
- 6.2.3 პრეტენდენტმა უნდა წარმოადგინოს დაზღვევის ლიცენზიის ასლი, რომელიც გაცემულია საქართველოს დაზღვევის სახელმწიფო ზედამხედველობის სამსახურის მიერ.
- 6.2.4 რეკვიზიტები: მისამართი, საიდენტიფიკაციო კოდი, საბანკო რეკვიზიტები, ტელეფონის ან/და ფაქსის ნომრები.
- 6.3 სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურები განისაზღვრება სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული წესის მე-6 მუხლის შესაბამისად.
- 6.4 ვინაიდან აღნიშნული ტენდერით ხდება დაზღვევის მომსახურების შესყიდვა, ხოლო მისი შეფასების კრიტერიუმები და ფასწარმოქმნის დასაბუთების სტანდარტი რთული დასადგენია, სატენდერო კომისიამ მიზანშეწონილად მიიჩნია არ მოითხოვოს ფასწარმოქმნის ადეკვატურობის დასაბუთების დოკუმენტი თუ ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე
- 6.5 ყველა სავალდებულო დოკუმენტაცია და ინფორმაცია წარმოდგენილი უნდა იყოს ქართულ ენაზე. უცხო ენაზე წარმოდგენილ ყველა დოკუმენტს თან უნდა ახლდეს ნოტარიულად დამოწმებული თარგმანი ქართულ ენაზე.
- 6.6 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.
- 6.7 ალტერნატიული სატენდერო წინადადება არ დაიშვება.

7.საკონტაქტო ინფორმაცია

ელექტრონულ ტენდერთან დაკავშირებით ინფორმაციისათვის და განმარტებებისათვის შეგიძლიათ მიმართოთ სატენდერო კომისიის აპარატის წევრებს: **მანანა ამაღლობელი** ტელ:2989816, მობ. 577755430, ელ. ფოსტა: manana.amaglobeli@gse.com.ge შესყიდვების სამსახურის შესყიდვების უფროსი სპეციალისტი ლევან ნაჭყებია მობ: 577240273, ელ. ფოსტა: levan.nachkebia@gse.com.ge და შესყიდვების სამსახურის სპეციალისტი **მაია ხაბეიშვილი** ტელ: 577240458, ელ. ფოსტა: maia.khabeishvili@gse.com.ge

გიორგი შარკოვი -----
კომისიის თავმჯდომარის მოვალეობის შემსრულებელი

მამუკა სხილაძე -----
კომისიის თავმჯდომარის მოადგილე

მამუკა პაპუაშვილი -----
კომისიის წევრი

დავით გოლოშვილი -----
კომისიის წევრი

გიორგი აბუთიძე -----
კომისიის წევრი

ლაშა შენგელია -----
კომისიის წევრი

ვახტანგ კვარაცხელია -----
კონსულტანტი

ბესიკ ნაცვლიშვილი -----
კონსულტანტი

მანანა ამაღლობელი -----
აპარატის წევრი

მაია ხაბეიშვილი -----
აპარატის წევრი

ლევან ნაჭყებია -----
აპარატის წევრი (კომისიის მდივანი)